

PU Lukavac - Rasvijetljeno sedam krivičnih djela

02.08.2011 06:18

Službenici Odjeljenja krim. policije PU Lukavac su radeći na rasvjetljavanju i suzbijanju krivičnih djela iz oblasti imovinskih delikata - krađa, počinjenih u proteklom periodu, došli do operativnih saznanja o mogućim počiniocima, i to: M.M., rođen 1992. godine, D.C., rođen 1990. godine, mlđb. E.M., rođen 1994.godine svi nastanjeni u Lukavcu i M.J., rođen 1982. godine nastanjen u Banovićima.

Navedena lica su, uz saglasnost kantonalnog tužioca, lišena slobode i privedena u prostorije PU Lukavac radi kriminalističke obrade, zbog postojanja osnova sumnje da su na području općine Lukavac u vremenskom periodu mart-juli 2011.godine, počinili otuđenje četiri putnička motorna vozila, dva motocikla i jedan pokušaj otuđenja motornog vozila.

M.J., M.M. i D.C. su uz Izvještaj o učinjenim krivičnim djelima predati nadležnom Kantonalnom tužilaštvu Tuzla na dalji postupak.

Preuzeto sa web stranice **Ministarstva unutrašnjih poslova Tuzlanskog kantona** - <http://muptk.ba>